




Luther
•
Kurtz form
der zehen
gebott

Jb
3646c







88
Rom

**Eyn kurtz form der zehen
gebott S. Martini Lu.**

**Eyn kurtz form des
Glaubens.**

**Eyn kurtz form des
Vatter unlers.**



Handwritten in blue ink:
H 3646 ¹⁵



Vorrede.

Das ist nit on sonderliche ordenung gottes
geschehē/das für den gemeinē Christen mē-
schen/der die geschriff nit lesen mag/ veror-
denet ist zū leren vñ wissen die zehen gebott/dē glau-
ben/vñ vatter vnser/in welchen dry stückē/für war
alles/was in der gschriff steet/vnd jmer geprediget
werden mag/auch alles was einem christē not ist zū
wissen/gründtlich vnd überflüssig begriffen ist/vnd
mit solcher kurtze vñ leichte verfasset/das niemant
clagen noch sich entschuldigē kan/es sey zū vyl/oder
zuschwer zū behalten/was im not ist zur seligkeit.

Dan dry ding seint not einem menschen zū wissen/
das er selig werdē müge. Das erst/dz er wüsse was
er thün vñ lassen soll. Das ander/wan er nün sicht
das er es nit thün noch lassen kan auß seinē krefftē/
das er wisse wo erß nemen vnd sūchen vñ finden sol/
damit er dasselb thün vnd lassen müge. Das dryt/
das er wisse/wie er sūchen vñnd holen soll. Gleich als
ein kräcke ist zūm erste not/dz er wisse was sein krä-
ckheit ist/was er mag oder nit mag thün oder las-
sen. Darnach ist not/das er wisse/wo die artzney
sey die im helffe darzū/das er thün vnd lassen müg/
was ein gesunder mēsch. Zum drittē müß er seyn be-
Begeren/das sūchen vnd holen oder bringen lassen.
Also leren die gebott den menschen seyn kranckheyt
erkennen/das er sicht vnd empfindet/was er thün
vnd nit thün/lassen vnd nit lassen kan/vnd erkennet
sich einen sūnder vnd bösen menschen.

Darnach helt im der glaub für vñnd leret in/wo
er die artzney/die gnadē finden sol/die im helfff frum
werden/das er die gebott halte. Vñnd zeigt im gott

L 2, 4052



vnd seine Barmhertzigkeit / in Christo erzeigt vnd an-
gebotten. ¶ Zum dritten leret in das vatter vn-
ser / wie er die selben / Begerē / vnd zu im bringen soll /
nemlich mit ordelichem demütigē trostlichem gebet
so wirts im geben / vñ wirt also durch die erfüllung
der gebott gottes selig. Das seint die dry ding in der
ganzen gschafft. Darumb heben wir am ersten an
den gebotten an zu lernen vñ erkennen vnser sünd vñ
bosheit / das ist geystliche krankheyt da durch wir
nit thun noch lassenn / wie wir wol schuldig seynt.

¶ Belegung der zehen gebott.

Die erste vnd rechte Tafell
Wosi begreyfft die erstē dry gebot / in wel-
chen der mensch geleret würt / was er got
soll vnd schuldig ist zu thun vnd lassen / das ist / wie er
sich gegen Gott halten soll.

¶ Das erst gebott leret / wie sich der mensch gegē
gott halten sol inwendig im hertzen / das ist / was er
alzeit von im gedencke / halten / vñ achten soll. Nem-
lich / das er sich alles gütes zu im versehe / wie zu einē
vatter / vnd güten fründe in aller trew / glauben vñ
lieb mit forcht zu aller zeyt / dz er in nit beleydige wie
ein kind seinen vatter. Dan das leret die natur / das
ein gott sey / der do alles güts gebe / vnd in allen übel
helffe / wie das anzeygen die Abgötter bey den hey-
den. Vnd lautet also.

¶ Du solt nit andere götter haben.

A ij

E Das ander gebott leret / wie sich der mēsch hal-
ten sol gegē got eußerlich in worten for den leuthen /
oder auch innerlich for im selbs. Nemlich das er got-
tes namen ere. Dan niemāt mag got / weder for im
selbs / noch for den leuthen seygen nach der götliche
natur / sonder bey seinem namen / vnd lautet also.

E Du solt den namē deins gots nit vnnütz annemē.

E Das dritt gebott leret / wie sich der mensch haltē
sol gegen gott / eußerlich in wercken / das ist in gots
dienst / vnd lautet also .

E Du solt den feyrtag heyligen.

Also leren disse drey gebot den menschen / wie er mit
got soll handeln / in gedāncken / worten / wercken / dz
ist in ganzem seinem leben.

Die andere und lincke Tafell

Wosihelt inne die syben folgende gebot / in welchen
der mensch gelert würt / was er den menschen vnd
seinem nechsten schuldig ist zū lassen vnd thūn.

E Das erst leret wie man sich haltē soll gegen al-
len obrückteiten / welch an gottes stat sitzen / darumb
folgeth dasselb for andern gebotten den ersten dreyen
die got selb antreffen / als do seint vatter vñ mütter /
hern / geystlich vnd weltlich. vnd lautet also.

E Du solt din vatter vnd din mütter eren.

E Das ander leret / wie man sich halt gegen seinē
gleichen oder nechsten / seiner eygnen personen hal-
ben / dz man die selbe nit beleydige / sond wo sie darff
fürdere vnd helffe / vnd lautet also.

E Du solt nit tödten.

¶ Das drit leret / wie man sich halt gegē des nech-
sten höchsten güt nach seyner eygen personen / das
ist sein eelich gemahel / kind oder fründ / das man die
selb nit schende / sonder bey eeren behalte / so fer es je-
derman müglich ist / vnd lautet also.

¶ Du solt nit eebrechen.

¶ Dz vierd leret / wie man sich halte gegen des nech-
sten zeitlichen güts / das man nit neme noch hindere
sonder fürdere / vnd lautet also.

¶ Du solt nit stelen.

¶ Das fünfft leret / wie man sich halt gegen des
nechsten zeitlich ere vnd güt gerücht / das man dz nit
schweche / sonder mer schütze vnd enthalte / vnd laut
also.

¶ Du solt nit falsch zeugnüs reden
wider deinen nechsten.

¶ Also ist verbottenn / zū schaden in allen gütern
des nechsten / vnd gebotten den selben zū frummen.
Wan wir nun das natürlich gesetz ansehen / so findē
wir / wie billich vnd gleich alle disse gebott sein. Dan
nicht ist hie gepotten gegen got vnd dem nechsten zū
halten / das nit ein jeglicher wolt im gehalten habē /
wen er got / an gottes vnd seines nechsten stat were.

¶ Die letzte zwey gebott leren wie böß die natur
sey / vñ wie reyn wir von allen begirden des fleisches
vnd güter sein söllē / aber da bleibt krieg vñ arbeyt /
diweyl wir hie leben / die lauten also.

¶ Du solt nit begeren deines nechsten hauß.

¶ Du solt nit begeren seines weybs / knecht /
magdt / syhe / oder was sein ist.

Eyn kurtzer beschluß der zehen gebott.
Spricht Christus selber.

Was jr wöllen/das euch die menschen thün sol
len/das selb thüt jr in auch/das ist das gantz gesetz/
vnd alle propheten. Matt. viij. Dan niemant wil vn
dancck leyden für sein wolthat/oder seinen namē ey
nem andren lassenn. Niemant wil hoffart gegen im
erzeigt haben. Niemant wil vngheorsam/zorn/vn
keuscheit seins weybs/Beraubung seiner güter/lie
gen/kriegen/hinder red leyde/sonder lieb vnd frunt
schafft/dancck vñ hilff/warheit vnd trew erfindenn
von seinem nechsten/das gebieten aber alles die zes
hen gebott.

Die übertrettung der zehē gbott

Widder das erst.

Wer in seiner widwertikeit zauberey/schwartz
kunst/teuffels bundgnossen sücht.

Wer Brieff/zeichen/kreuter/wörter/seggen/vnd des
gleichen gebraucht.

Wer wünschrüten/schatzbeschwerungē/cristallen
sehen/mantel faren/milchstelen übet.

Wer sein werck vnd leben/nach erweltē tagen/him
mels zeichen/vñ der weyßsagern duncken richtet

Wer sich selb/sein fyhe/sein hauß/kinder/vnd aller
ley güte/vor wölfen/wasser feur/vñ andere schaz
den mit etlichen gebetten segnet vnd beschwert.

Wer sein vnglück vñ widerwertikeit dē teufel oder
bösen menschen zuschreibt/vnd nit mit liebe vñnd

lob/als böß vnd güte von got allein auffnimpt/vñ
im widder heym tregt mit dancksagen/vnd willig
ger gelassenheit. Wer got versücht/vnd in vn-
nötige ferlickeit leybs oder seel sich gibt.
Wer in seiner frumkeit/vorstant/oder andern geist
lichen gaben hoffertig ist.
Wer got vnd die heyligen mit vergessen der seel not/
nur vmb zeitlich nutz willen eret.
Wer got nit vertrauet alzeit/vñ in allen seinen wer
cken nit zuersicht hat in gottes barmhertzigkeit.
Wer zweifelt an dem glauben oder an gots gnaden.
Wer nit andern weret den vnglauben/zweifeln/vñ
hilfft sie das glauben vnd gottes gnade trwen so
vyl er mag. Vnd da gehören her alle vnglauben/
verzwifeln/mißglauben.

¶ Widder das ander.

Wer on not/oder auß gewöheit leichtlich schwe
ret. Wer ein falschen eyd schweret/oder auch
sein gelüpt bricht. Wer übel thün gelobt oder
schwert. Wer mit gottes namen flüchet.
Wer nerrisch fabeln vō gott schweret/vnd die wort
der geschriffte leichtfertig verfert.
Wer gottes namen nit anrufft in seiner widerwert
keit/vnd nit benedeyet in lieb vñ leyd/in glück vñ
vnglück. Wer rüm vnd eer vñ namen sücht vō
seiner frumkeit vnd weyßheit.
Wer gottes namen anrufft felschlich/als die ketzer/
vnd alle hoffertige heyligē. Wer gottes namen
nit lobt in allen dingen was im fürkompt.

Wer nit weret andern/die gottes namen vneren vñ
felschlich bruchen/vñ durch den selbē böß wirckē.
Vnd daher gehört die eytel ere/rhüm/vñnd geist-
liche hoffart.

¶ Wider das dritt.

Wer fressen/sauffen/spilen/tantzen/müßgancē/
vnkeuscheit treibt. Wer faulheit/ampt got-
tes verschlaffen/versaumen/spacieren/vnmutz sch-
wezen übt. Wer on sonder not arbeit vñd han-
delt. Wer nit bettet/nit das leyden Jesu Christi
Bedenckē/nit seine sünd Berewet/vñ gnade Begert
Also nur mit kleyd/essen/gebeerdē vsserlich feürt
Wer nit gelassen steet in allen seinen wercken/vñnd
leyden/das got mit im mache wie er will.
Wer nit den andern alles diß zuthün hilfft/vñnd im
weret da widder zuthün. Vñ da gehört her/trag-
keyt zū gottes dienst.

¶ Widder das vierdt.

Wer sich armüts/gebrechēs/verachtung/seiner
eltern schemet. Wer in nit yre notturfft mit
speiß vñ cleyder versorgt. Dyl meer wer in flucht/
schlecht/nachredet/hasset/vñd vngheorsam ist.
Wer nit von hertzen/groß von in haltet vmb gottes
gebott willen. Wer sie nit eert/ob sie gleich vn-
recht vñ gewalt thündt. Wer die gebot der chri-
stlichen kirchen nit haltet mit fasten/fyren.
Wer priesterstandt vneret/nachredt vñd Beleydiget
Wer seine hern vñd Obrikeit nit eret/trewe vñd ge-
horsam ist/sie seyn güit oder böße. Hierinne seint
alle ketzzer/abtrinnigē/apostaten/verbantē/vers

stöcken. Wer nit hilfft zu diesem gebot/ vnd wider
steet den übertretern desselben.. Vñ da gehört her
alle hoffart vnd vngheorsam.

¶ Wider das fünfft.

Wer mit seinē nechsten zürneth. Wer zu im sagt
Racha (das sein allein allerley zorns vñ has
ses zeichen) Wer zu im sagt/fatue/dun ar/dz sein
allerley schandt wort/fluch/lesterung/nachreden/
richten/vrteylen.etc. Wer seins nechsten sünd od
gcbrechen rüget/vnd nit bedecket/vñ entschuldiget.

Wer seinen synden nit vorgibt/nitt für sie bittet/
nit früntlich ist/nit wol thüt. Vnd hierynne seint
alle seünd des zorns vnd has/als todtschleg/kriege/
rauben/Brennen/zancken/hadern/trawre des nech
sten glücks/frewen seins vnglücks.

Wer nit über die werck der barmhertzigkeit auch
gegen seinen feynden. Wer die leuth zusamē herzt
oder verhenget. Wer vneynikeit macht zwischē
andern. Wer nit versünet die vneynigen.

Wer nit weeret oder fürkumpt zorn vñ vneyni
keit/wo er kan oder mag.

¶ Wider das sechst.

¶ Wer junckfrawen schwecht/eebricht/Blütschan
den/vnd der gleich vnkeüsheit wircket.

Wer vnnatürliche weyse oder personē (das seind
stimmen sünd) gebraucht. Wer mitt schandparn
wortē/lyedlin/historien/Bilden/dē Bösen lust reytzt
oder zeygt. Wer mit sehen/greiffen/willige gedan
cken/sich reytzet vnd besleckt. Wer die vrsach nit

B

meydet/ als fressen/ sauffen/ müffigkeit/ faulheit/
schlafen/ vnd weibs oder mans personen gemeyn-
schafft. Wer mit überigē schmuck/ gebeerden. etc.
andere zur vnkeuscheit reytzet. Wer hauß/ raum/
zeit/ hülff stattet solche sünd zuthun.

Wer eins andern keuscheit nit hilfft bewaren mit
radt vnd tadt.

¶ Wider das sybend.

¶ Wer dieberey vñ rauberey vnd wücher treibt.

Wer falsch gewicht vnd maß braucht/ oder böse
war für güte auß gibt. Wer vnrecht erbgüter vnd
zins innimpt. Wer verdienet lon vorhelt/ vñ schuld
verleugnet. Wer seinem nechsten dürfftigē nit bor-
get oder leyhet on allen auffsatz. Alle die geizig sint
vnd eylen reich zü werden. Vnd die sunst fremd güte
Behalten/ oder zü sich bracht würt.

Wer des andern schade nit weret. Wer den andern
nit warnet vor schaden. Wer seins nechsten vorteyl
hindert. Wer seines gewins verdruss hat.

¶ Wider das acht.

¶ Wer vor gericht die warheit schweigt vnd vn-
tertrückt. Wer schedlich leugt vnd betreugt.

Item alle schedlich schmeichler vñ orenbleßer/
zweyzungigen. Wer des nechsten güte/ leben/ werck
vnd wort übel außlegt vnd schmechet.

Wer den selben bösen zungen statt gibt/ hilfft/ vñ
nit widersteet.

Wer sein zungē nit braucht zü entschuldigen seins
nechsten namen. Wer nit strafft den hinder reder.

Wer nit güts von jederman sagt/ vnd alles böses

schwigt. Wer die warheit schwigt oder nit versicht

¶ Wider die letzten zwey.

¶ Die zwey letzten gebott hören nit in die Beicht/sonder seind zil vnd mal gesetzt/da wir hin kōmen sollen/vnd teglich durch büß dahin arbeyten mitt hilff vnd gnaden gottes/dan die böse neygung stirbt nit eer grundtlich/das fleisch werde dan zu puluer/vnd new geschaffen.

¶ Die fünff Synn werden einge

schlossen im. v. vnd. vj. gebott. Die. vj. werck der Barmhertzigkeit im. v. vnd. vij. Die siben todtsünd Hoffart im. j. vnd. ij. Vnkeuscheit im. vj. Zorn vnd haß im. v. Fraß im. vj. Tragheit im. ij. vñ wol in allen. Die fremden sünd seind in allen gebottē/dan mit heissen/racen/vnd hilff wider alle gebott gesündet kan werden. Die ruffenden vnd stumme sünd seint wider das. v. vj. vnd. vij. gebot. etc.

In allen dissen werckē sicht man nicht anders dā eygenlieb/die das ire sucht/nimpt got was sein ist/vnd den menschē was der selben ist/vñ gibt nit noch got noch menschen etwas von dem das sie hatt/ist/vñ mag. Das wol Aug. sagt. Der anfang über alle sünd/ist die eygene seins selbs liebe.

Auß dissen allen folget/dz die gebot nit anders dā liebe gebieten/vñ lieb verbieten/vñ die gebott nit erfüllen dan lieb/auch nit übertritt dan lieb. Darumb spricht. s. Paul/dz die lieb sey erfüllung aller gebott/gleich wie die böß lieb ist übertrettung aller gebott.

¶ Die erfüllung der selben. ¶ Des ersten. Gottes forcht vñ liebe in rechtē glauben/vnd alzeyt

B ij

in allen wercken fest vertrauen/ gantz Bloß/ lauter
in allen dingen gelassen steen/ sey sein Böß oder güte.
Da gehört her alles was in der gantzen gschrifft vō
glauben/ hoffnung vnd der lieb gottes geschribē ist/
welches alles kurzlich in dissem gebott begriffen ist.

¶ Des andern.

¶ Lob/ ere/ gebenedeyung vnd anruffen gottes
namen/ vnd seinen eygnen namen/ vñ eer gantz verz
nichten/ das allein got gepreyßet sey/ der alleyn alle
ding ist vñ wirckt. Daher gehört alles was vō gotz
tes lob/ ere/ danck/ namen/ freyde/ in der gschrifft ge
leret ist.

¶ Des dritten.

¶ Sich zū got bereyten/ vnd gnad suchen/ dz ge
schicht mit betten/ Mess vnd Euangelij hören/ vnd
Christleyden bedencken/ vnd also geystlich zūm sa
crament geen. Dan dis gebott fürdert ein geyst ar
me seel/ die do irs nicht sein vor gott opffert/ das er
ir gott sey/ vnd in ir sein werck vnd namen bekōme/
nach den zweyen ersten gebotten. Daher gehört al
les was von gottes dienst/ predig hören/ vnd güten
wercken den leyb vnter den geyst zū werffen/ Befolē
ist/ das alle vnser werck gottes seint vnd nit vnser.

¶ Des vierden.

¶ Willige gehorsam/ demütikeit/ vntertänikeit
alles gwalt vmb gottes wolgefallen willen/ als der
Apostel sant Petrus sagt/ on alles widerbellen klaz
gen vnd mürmulē. Da gehört her alles was vō ge
horsā/ demüt/ vntertänikeit/ erbietung geschribē ist.

¶ Des fünfften.

**¶ Gedult/ sänfftmitigkeit/ güteit/ fridlickeit/
Barmhertzigkeit/vñ aller dinge ein süßes früntlichs
hertz/on allen haß/zorn/Bitterkeit gegen eynem jes
glichen menschen/auch den feindenn. Da gehören
her/alle lere vō der gedult/sänfftmitigkeit/frid/cy:
nickeit.**

¶ Des sechsten.

**¶ Keüsheit/zucht/schambafftikeit in werckē/
worten/Beerden/vnd gedencken. Auch messikeit in
essen/trincken/schlaffen/vnd als was der Keüsheit
fürderlich ist. Da gehörn her alle lere vō der Keusch
heyt/fasten/nüchter/messig sein/wachē/arbeiten/
wo mit Keuscheit Bealten würt.**

¶ Des sybenden.

**¶ Armüt des geystes/miltikeit/willickeit seiner
güter zū leyhen vnd geben/on allen geyt vñnd Begir
de leben. Da gehörn her alle lere/von dem geyt/vñ
rechtem güte/wücher/list/Betrüg/schaden/hinder:
nüß des nechsten am zeitlichen güte.**

¶ Des achten.

**¶ Eyn frydsame/heilsame zungen/die niemant
schadet/vnd jederman frummet/die die vneynigen
versünet/die verlesterten entschuldiget vñ verficht/
das ist warheit vnd einfeltikeit in worten.**

**Da gehören her alle lere vom schwigen vnd reden/
das des nechsten ere/recht sach/vñ selickeit antrifft**

¶ Der letzten zwey.

**¶ Das ist vollkommen Keüsheit/vnd verachtüg
zeitlicher lust vnd güter/gründlich/das allein in ge**

B ij

neem leben volbracht würt. In allen dissen werck
en sicht man nicht anders/dan fremde gemeyn/das
ist gottes vnd des nechsten liebe/die sucht nit was jr
ist/sonder was got vnd des nechsten/vntergibt sich
jederman frey zu eygen/dienst vnd willen.

¶ So syhstu das in den zehen gebotten gar orden
lich vnd kurzlich begriffen seint alle lere/die dē men
schlichen leben not seint/welche so er halten wil/hat
er alle stüd gute werck zuthun/das im nit not were/
andere werck zu erwellen/hie vnd dar lauffen/vnd
das thun/da nichts von gebotten ist.

¶ Das alles ist mercklich angezeigt/damit/das
nichts in dissen gebotten geleret ist/was der mensch
im selb thun/lassen/oder von andern Begerē sol/son
der was er andern got/vñ den menschen thun vnd
lassen sol/das wir es gryffen müssen/das die erfül
lung steet in der liebe gegē andern/vñ nit gegē vns.
Dan der mensch thut/lasset/vñ sucht im selbs schon
zu vyl/das nit zu leren/sonder zu weren not ist. Dar
rumb lebt der am aller besten/der im selbs nicht lebt
Vnd der lebt am aller ergisten/der im lebt/dan also
lernen die zehen gebott/darauf man sicht/wie wenig
menschē wol lebē/ihā als ein mensch/niemand mag
wol leben. Darumb so wir das erkennē/müssen wir
nun lernen wo wirs nemen sollen/das wir wol leben/
vnd die gebott erfüllen.

¶ Finis.

Die Bzlegung des Glaubens.

Der Glaub teilt sich in drey
houptstück / nach dem die drey personen
der heiligē götlichen dreyfaltigkeit drein
erzelt werden / das erst dem Vatter / das ander dem
sün / das dritt dem heiligen geyst / zu züeygen / dan dz
ist der höchst artickel im glauben / darinnen die an
dern alle hangen. Wie ist zu mercken / das zwey
erley weyß glaubt würt / zum ersten von gott / dz ist /
wen ich glaub das war sey / was man von got sagt /
gleich als wen ich glaub / das war sey / was man vō
Türckē / Teufel / hell sagt. Disses glaube ist mer ein
wissenschaft oder merckung / dā ein glaub. Zum an
andern würt in got geglaubt / das ist / wen ich nit al
lein glaub / das war sey / was von got gesagt würt /
sonder setze mein traw in in / Begib vnd erwege mich
mit im zu handeln / vnd glaub on allen zweyfel / er
werd mir also sein vnd thun / wie man von im sagt /
auff welche weyß ich nit glaubte dem Türcken oder
menschenn / wie hoch man sein lob preysset. Dan ich
glaub leichtlich / dz ein man frū sey / ich wags darüb
nit auff in zubawē. Solcher glaub / der es wagt vff
got / wie von im gesagt würt / es sey im lebē oder ster
ben / der macht allein einen Christen menschen / vnd
erlanget von got alles was er wil / den mag kein böß
falschs hertz habē. Dan dz ist ein lebendiger glaub /
vñ der würt gebottē in dem ersten gebot / dz do sagt.

Ich bin dein got/du solt kein ander götter habenn/
darumb ist das wörtlin/ In/ fast wol gesetzt/ vñ mit
vleyß war zunemen/ das wir nit sagenn/ Ich glaub
got dem vatter/ oder von dem vatter/ sonder/ in got
den vatter/ In Jesum Christu/ In den heiligē geist.
Vnd den glauben sol man niemant gebē/ dan allein
got/ darumb würt die gotheit Jesu Christi/ vnd des
heiligē geystes damit bekāt/ das wir in in gleich/ wie
in den vatter/ glauben. Vnd wie es ein gleych glaub
ist in alle drey personē/ so sein die dry personen auch
ein gott.

Das erst teil des Glaubens.

Ich glaub in got Vatter al
almechtigen schöpffer himmels vñnd der
erden. Das ist. Ich versag dem bösen
geyst/ aller abgötterey/ aller zauberey vñ mißglau-
ben. Ich setz mein trawen auff kein menschen auff
erden/ auch nit auff mich selbs/ auch mein gewalt/
gunst/ güte/ frumkeit/ oder was ich haben mag.

Ich setz mein traw auff kein creatur/ sie sey im hi-
mel oder auff erden. Ich erwege vñ setz mein trew
allein auff den blossen/ vnsichtlichē/ vnbegrifflichē/
eynigen gott/ der himmel vnd erden erschaffen hat/
vnd allein über alle creaturen ist.

Widerumb entsetze ich mich nitt ab aller Bosheit
des teufels/ vñnd seiner geselschaft/ dan mein gott
über sie alle ist. Ich glaub nichts dester weniger in

gott/ob ich von allen menschen verlassen oder ver-
folget were. Ich glaub nichts dester weniger ob
ich arm/vnuersteudig/vngelert/veracht bin/oder
alles dings mangel. Ich glaub nichts dester weni-
ger ob ich ein sunder bin. Dau disser mein glaub soll
vnd muß schweben über alles/was do ist vnd nit ist/
über sünd vnd tugend/vñ über alles/auff das er in
got lauterlich vnd rein sich halte/wie mich das erste
gebott dringt. Ich Begere auch kein zeichen von
im/in zuuersuchen. Ich traw bestendicklich in in
wie langer verzeucht/vñ setze im kein zil/zeit/mas/
oder weyse/sonder stell es alles heinn seine götliche
willen in einem freyen richtigen glauben.

So er dan almechtig ist/was mag mir geprechē/dz
er mir nit geben vnd thün möge?

So er schöpffer himel vnd erden ist/vñ aller ding
ein herr/wer wil mir etwas nemen oder schaden? ia
wie wöllen mir nit alle ding zu gut komen vñ dienē/
wan der mir güts gan/dē sie alle gehorsam vñ vnter
than seind? Die weil er dan got ist/so mag er vnd
weist wie ers machen mit mir sol auff's beste.

Die weil er vatter ist/so wil ers auch thün/vñ
thüt es hertzlich gerne. Die weil ich daran nit zwei-
fell/vnd setz mein trew also in in/so bin ich gewis sin
kint/diener vnd erbe ewicklich/vñ wirt mir gesche-
hen wie ich glaub.

Das ander teil.

WAD in Iesum christum sei-
nen einigen sün vnsern hern/der empfan-
gen ist von dem heyligen geist/gebom von
C

der junckfrawen Maria / gelitten vnter pontio Pilato / gecreüziger / gestorben / vnd begraben / vnder gestigen zū der helle / am dritten tag auffstanden von den todten / auffgestigen zūm himel / sitzend zur rechten gottes des almechtigen vatter / von dannen er künfftig ist zū richten die lebendige vñ die todten.

¶ Das ist.

Ich glaub nit allein / das Jesus christus warhafftiger einiger gottes sūn ist / in eyner ewigen götlichen natur vnd wesen von ewigkeit ymmer geborē / sonder auch das im von dem vatter alle ding vnter worffen sein / vñ nach der mēscheit mein vñ aller ding ein herr gesetz ist / die er mit dem vatter nach der gottheit geschaffen hatt.

Ich glaub / das in den vatter glauben / vñnd zū dē vatter niemāt kumē mag / weder durch künst / werck / vernūfft / noch alles das mā nemmen kan im himell vnd auff erden / dan allein / in vñ durch Jesum Christum seinē eynigen sūn / dz durch glauben / in seinem namen / vñnd her schafft.

Ich glaub festiglich / das er mir zū gūt empfangē ist / von dem heyligen geyst / on als menschlichs vnd fleischlichs werck / on leiplichen vatter oder mansnamen / auff das er mein vñnd aller die in in glauben / sündlich / fleischlich / vnreyn / verdamplich / empfangen pfegnūß reinigete vñ geystlich machte / durch gnedigen willē seins vnd des almechtigen vatters.

Ich glaub das er mir geboren ist / von der reynen junckfrawen Marien / on allē schadē irer leypliche vnd geystlichen junckfrawschafft / auff das er / nach ordnung vetterlicher barmhertzigkeit / mein sündt

lich vnd verdampft geburt/vnd aller seynner glaubi-
gen gebenedeyt/vnschedlich vnd reyn machte.

Ich glaub/das er seyn leyden vnd creütz für meis-
ne vnd aller glaubigen sünde getragen hatt/vnd da
durch alle leyden vnd creütz gesegnet/vnd nit alleyn
vnschedlich/sonder auch heylsam vñ hoch verdienst-
lich gemacht hatt.

Ich glaub/dz er gestorben vñ begraben ist/meine
sünd vnd aller seynner glaubigen gantz zü tödten vñ
begraben/darzü den leyplichen todt erwürgt/vnnd
gantz vnschedlich/nützlich/heylsam gemacht hat.

Ich glaub / das er zü der helle nider gestigen ist /
den teuffel/ vnd alle seine gewalt/list vñ bößheit/mir
vnd seinen glaubigen/zü dempffen/vnnd gefangen
zü nāmen / das mir der teuffel/hinfür nit schadenn
kan/vnnd mich von der helle peyn erlöset/die selben
auch vnschedlich vnd verdienstlich gemacht.

Ich glaub/das er sey auffgestanden am dritten
tag von den todten/mir vnd allen seynnen glaubigen
ein newes leben zü geben/vnd also mit im in gnaden
vnnd geist erweckt hat / hinfür nimmer zü sünden
sonder im alleyn zü dienen in allerley gnaden vnnd
tugenden.

Ich glaub/das er auffgestigen sey zü himell/vnd
von dem vatter empfangen/gewalt vnnd eere über
alle englen vnnd creaturen/vnd also sizet zü der ges-
rechten hand gotes/das ist/er ist ein künig vnd herr
über alle gottes güter im himell/hell/vnnd erden.
Der halben er helfen kan mir vnnd allen glaubigē
in allen vnsern nöten/widder alle vnser widersäch-
er vnnd feyndt.

Ich glaub das er wider von dannen/von dē hims
mel kommen wirt am jüngsten tag/zü richten leben
digen/die dan erfunden werden/vnnd todten die ge
storben seint/vnd alle menschen/alle engel vn̄ teufel
für sein gericht's stül kōmen miessen/vnd in leiplich
sehen/mich vnd alle seine glaubigen zü erlösen von
dem leiplichen todt/vnd allen geprechen/vnd zü stra
fen ewigklich vnser feind vnd widersecher/vnd von
irem gewalt ewicklich zü erlösen.

Das dritteil.

Ich glaub in den heiligenn
geyst/eine heilige chüstliche kirche/ein ges
meinschaft der heiligen/eine vergebung
der sünd/vfferstendung des fleischs/vn̄ ein ewigs les
ben. Amen. **Das ist.**

Ich glaub nit allein/das der heilig geist ein war
haftiger got ist mit dem vatter vn̄ sūn/sonder auch
inn vnd zü dem vatter/durch Christum vn̄ sein lebē/
leyden/sterben/vnd alles was von im gesagt ist/nie
mant kōmen noch ettwas desselben erlangē mag on
des heiligen geists werck/mit welchen der vatter vn̄
der sūn/mich vnd alle die seynen/rüret/wecket/ruf
fet/zeucht/durch vnd in Christo lebendig/heilig vnd
geistlich macht/vnd also züm vatter bringt/dan er
ist das/damit der vatter durch Christum vn̄ in Chris
sto alles wirckt vnd lebendig macht.

Ich glaub/das do sey auff erden/soweyt die welt

ist/nit mer dan eine heilige gemeine Christliche Kirch
welche nicht anders ist/dā die gemeine oder samlūg
der heiligen/der frummen glaubigen menschen vff
erden. Welche durch dē selben heiligen geist versam-
let/erhalten vnd regirt würt/vnd teglich in den sa-
cramenten vnd wort gottes gemeret.

Ich glaub das niemant kan selig werden/der nit
in dissier gemeine erfunden würt/eintrechtlich mit
jr haltend/in einem glaubenn/wort/sacramenten/
hoffnung vnd lieb/vnd kein Jude/Ketzer/heyd/oder
sünder/mit jr selig werde/es sey dan/das er sich mit
jr versüne/vereinige/vnd jr gleichförmig werde in
allen dingen. Ich glaub das in dissier gemeine oder
in der christenheit alle ding gemein seind/vñ eins je-
glichen güter des andern eygen/vnd niemant ichts
eygen sey/darumb mir vnd einem jeglichen glaubi-
gen alle gebett vnd güte werck der ganzen gemeine
zuhilff kommen/Beysteen/vnd stercken müssen zu al-
ler zeit in leben vnd sterben/vñ also ein jeglicher des
andern Bürden trege/wie sant Paulus leret.

Ich glaub das do sey in der selben gemeine/vnd
sunst niergent/vergebung der sünd/das außser der
selben nit helff/wie vyl vñ groß die güte werck inner
sein mögen/zur sünd vergebung/aber inner der sel-
ben nit schade/wie vyl groß/vñ oft gesündiget wer-
den mag/zur vergebūg der sünde/welche bleibt/wo
vnd wie lang die selben einige gemeyne bleibt. Wel-
cher Christus die schlüssel gibt vñ spricht Mat. xvij.
Was jr werdet auff binden auff erden/soll auff ge-
bunden sein in dem himell. Desselben gleychen zu dē
einzigem Petro/an stat vñ bedeutung der einzigen

Kirchen. Matthei. xvj. Was du wirst auffbinden.

Ich glaub/das do zu künfftig ist eyn auffersteung
der todten/jnn welcher / durch den selben heyligen
geyst wirt wider aufferweckt werden alles fleisch /
das ist/alle mensche noch leyb oder fleysch/frum vñ
böß / also das eben das selb fleysch das gestorben /
begraben/verwesen vñd mancher weyß vmbku-
men ist/wider kummen sol vñd lebendig werden.

Ich glaub / das nach der auffersteung seyn wirt
ein ewiges leben der heiligen / vñd ewiges sterben
der sñnder. Vñd zweiffel an dē nit / der vatter durch
den sñn Jesum Christum vnsern herren / mit vñd in
dem heiligen geyst / werd mir disse stuck alle lassenn
geschehen/das heist/ **AQEL** / das ist / Es ist treu
lich vñd gewiß wår.

Bzlegung des vatter vnser.

Vorrede vñd bereitung zu

bitten die syben bit von gott.

Vatter vnser der du bist im

himell. **¶ Die Meinung.**

¶ Salmechtiger gott / die weyl du durch dein
grüdlose barmhertzikeit/vns nit allein zu gelassen
sonder auch gebotten vñd gelert hast / durch deinen
eynigen lieben sñn/vnseren herren Jesum Christum
das wir durch seyn verdienst vñd mittel dich eynen
vatter achten/vñd nemmen sollen/so du doch billich

nach aller gerechtickeit/ein gestrenger richter sein
möchtest über vns sündler/die wir/so vil vñ schwer-
lich widder dein göttlichen aller besten willen gethā
vnd dich erzürnet haben.

So gib vns/durch die selb barmhertzikeit/in vn-
ser hertz eyn tröstliche zünersicht/deiner vätterliche
liebe/vnnd las vns empfinden den aller lieplichsten
schmack vnd süsikeit/der kündtlichen sicherheit/dz
mir mit freüden/dich eynen vater nemmē/kennen/
lieben/vnnd anriessen mögen in alle vnser nöten.
Behiet vns/das wir dein kinder bleiben/vñ nit ver-
schuldē/das wir auß dir aller liebsten vatter/eynen
erschrecklichen richter/vnnd vns selb aus kinder/zü
feynden machen.

Du wilt auch/dz wir nit allein vatter/sonder/in
gmein vnser vatter/dich anriessen/vñ also eintrech-
lich für allesampt bittē. Darüß gib vns ein eintrech-
liche brüderliche liebe/dz wir vns alsampt warhaff-
tife brüder/vñ Schwester erkennē vnd achtē/vñ dich
eynen gemeinē vnser libē vatter/für alle vnd yeder-
mā bittē/als ein kind für dz ander/gegē seinē vatter
thüt/laß niemāt vnder vns dz sein süchē oder des an-
der für dich vergesse/sonder abgethā allē haß/neid
vñ zwitracht/vns als die ware frūmen gottes kind
vnder eynander liebē/vñ also eintrechtlich sagē mü-
gē/nit mein vatter/sonder vnser vatter.

Auch die weil du nit eyn leiplicher vatter bist/ß auff
der erdē ist/sonder ð du im himel bist/ein geistlicher
vatter ð nit stirbt/vñ vngewiß ist vñ im selbs nit hel-
fen mag/wie der irdisch vnd leipliche vatter da mit
du vns anzeigst wie übermessig du ein besser vatter

Bist/vnd lereſt/ zeitlich vatterschafft/ vatterlande/
freünd/güt/fleisch vnd Blüt für dich verachten.

So gib vns O Vatter/das wir auch dein himme
liſche kind ſein mügē/ lere vns der ſelen vnd des him
melischen erbtreyls allein warnemen/ das vns/ das
zeitliche vatterland vnd jrdiſche erbgüt mit betrie
ge/vmfach/hindere vnd ganz zu jrdiſchen kindern
mache/das wir mit rechtem warem grund mügen
ſagen. O himliſcher vatter vnſer/ vnd wir warhaff
tig dein himliſche kinder ſein.

Die erſte bitt.

Geheiligt werd dein nam.

Die meynung iſt.

O Almechtiger got/ lieber himliſcher vatter
dein heiliger nam würt auff diſſem ellen
den jamertal/ leyder/ ſo manigfeltig/ verz
unheiligt/ Beleſtert vñ Beſchmecht/ würt
vylen dingen zu geeygt/ da dein ere nitt an iſt/ würt
auch in vylen ſtücken/ vñnd zu ſünden mißbraucht/
das auch das ſchendtlich leben/ wol ein ſchand vnd
vneer dines heiligen namens möcht heißen.

So gib vns dein götlich gnad/ das wir vns vor al
lem dem behüten/ das nit zu eer vnd lob deines heilic
gen namens reicht. Hilff das alle zauberey vnd fal
ſche ſegen abgethan werden. Hilff das allerley Bez
ſchweren des teuſfels oder creaturen/ durch deinen
namē auffhöre. Hilff das alle mißglauben vñ übes

rig glauben/außgewurtzelt werden. Hilff das alle
Fetzerey/falsche lere/die sich in schyn deines namens
dargeben/zunicht werden. Hilff das aller falscher
schein der warheit/frumkeit/heilikeit/niemant be-
triege. Hilff das niemant bey deinē namē schwere/
liege od triege Behüt vns vor allē falschem trost vn-
ter deinē namē ertichtet. Behüt vns vor aller geyst-
licher hoffart/vñ zeitlichs rümbes oder namens.

Hilff das wir in allen vnsern nöten vñnd gebre-
chen deinen heiligen namen mügen anruffen.

Hilff das wir in der angst vnser gewissen/vñnd
am lezsten sterben deinen namē nit vergessen.

Hilff das wir in allen vnsern gütern/worten vñd
wercken/dich allein lobē vñ eren/nit vns dauon ein
namen geben oder süchen/sonder dir allein/des alle
ding allein sind. Behüt vns vor dem schentlichen la-
ster der vñdanckbarkeit. Hilff dz auß vnsern gütern
werckē vñ lebē/alle andere gereizt werdē/nit vns/
sonder dich in vns zü loben vñd deinee namen eren.

Hilff das aus vnsern bößen werckenn niemant
Begeren werd dein namen zü vneren/oder dein lob
nach zü lassen. Behüt vns/das wir nichts Begeren
weder zeitlich noch ewig/das nit deines namens eer
vñd lob sey/vñd so wir solchs werden bitten/wöllest
vñser torheit nit erhören. Hilff das vñser leben also
sey/das wir als warhafftig kinder gottes erfunden
werden/dz dein vetterlicher name nit vñ sunst oder
falschlich über vns genent werde. Amen.

Vñd in das gebet hören alle psalmen vñd gebett/
do man got innen lobet/eret/singet/dancket/vñnd
das gantze alleluia.

D

Die andere bitt.
Zükume dein reich.

Die meynung.

Dis elend leben ist ein reich aller sünd vnd bößheit/darinne ein her ist/der böß geyst/ aller bößheit vnd sünd ein anfang vnd hauptschalck. Dein reich aber ist ein reich aller gnaden vnd tugent. Darinne ein her ist Jesus Christus dein lieber sün aller gnadē vnd tugent ein haubt vnd anfang. Darumb so hilff vñ gnade vns lieber vatter. Gib vns vor allen dinge ein rechten bestendigen glauben in Christo/ein vnerschrockene hoffnung in dein barmhertzikeit/wider alle bledickeit vnsers sündtlichen gewissen. Lyne grundtgütige liebe zu dir vnd allen menschen.

Behüt vns vor vnglauben vnd verzwyfeln vñ endlichen neyd. Hilff vns vō dem vnstetigen lust der vnkeuscheit/vnd gib vns ein liebe zu der junckfrawschafft vnd allerley keuscheit. Hilff vns auß der zwittracht/krieg/vñ vnfrid/vñ laß zukommen deins reichs tugend/den frid vnd eynickeit vnd stille rwe. Hilff vns das nitzorn/oder andere bitterkeit in vns sein reich überkomme/sonder durch dein gnad in vns regire einfeltige süßikeit vnd brüderliche trew/vñnd allerley fründtschafft/miltikeit/sänfftmitikeit.

Hilff das nit vnordige betrübnis vnd schwermitikeit in vns sey/sond laß zukōmen die freude vñ lust in deiner gnad vnd barmhertzikeit. Vnd entlich dz

alle sünde von vns gewende werden/vnd wir deiner
gnaden aller tugent vnd güter werck/vollmügen
dein reich werde/das alle vnser hertz/müt vnd sin/
mit allen krefft inwendig vñ außwendig/dir/dei-
nen gebotten vnd willen vntertänlich dienen/vñ
sich allein vō dir regirn lassen/nitt in selbs noch dem
fleisch/welt oder teuffel folgen. Hilff das solch dein
reich/angefangen in vns zuneme/vnd teglich sich
Bessere vnd mere/dz vns nit überfalle die listige Bosz-
heit/die tragheit zū gottes dienst/auff das wir nit
wider zū rucke fallen/sonder gib vns ein ernsten für-
satz vnd vermügen nit allein an zuheben frum sein/
sonder vyl mer kecklich darinnen fortgeen vnd vol-
bringen/wie der prophet sagt. Erleucht meyn augē
das ich nit entschlaf/oder faul werde im anfangē
güten leben/vnd der feyndt meyn also widerumb
Bewaltig werde. Hilff das wir also Bestendig blei-
ben/vnd das dein zukünfftig reich disses angefangē
dein reich beschließ vnd volende.

Hilff vns auß dissem sündlichen ferlichen leben.
Hilff vns jenes leben Begeren/vñ dissem feint wer-
en. Hilff vns den todt nit fürchtenn/sonder
Begeren. Wend von vns die lieb vnd an-
hangen disses lebens/auff das also
dein reich in vns aller ding vol-
bracht werde. Vnd in disse
bit gehöre alle psalm/
vers/vnd geber/
do man gnad
vñ tugēt vō
Got bitet.

D ij

Die dritte bit.
Dein wil geschehe als im himmel
vnd auff erden. **Weynung.**

Unser will gegen deinē willen geachtet / ist nie-
mer güt / sonder alzeyt böß. Dein will aber ist alzeit
der beste / über auß auff dz höchste zu liebē vñ zu Bege-
ren. Darüb erbarme dich vnser o lieber vatter. Vñ
laß nit nach vnserm willen etwas geschehē. Gib vñ
lere vns recht gründliche gedult habē / wē vnser wil-
gebrochen wirt oder verhindert. Hilff so jeman et-
was redt / schweigt / thut / oder laßt / das vnserm wil-
len wider ist / das wir nit dumb zornig vnd böß wer-
den / nit flüchen / nit klagen / nit schreyē / nit richten /
nit verdamnen / nit versprechen. etc. Hilff das wir
vnsern widersächern vnd verhindern vnsern willen
demüticklichen weychen / vnd vnsern also faren laß-
sen / dz wir sie lobē / gebenedeyē / wolthün / als denen
die deinē götlichē willē wider vnsern willen volbrin-
gen. Gib vns gnad / das wir allerley krankheit / ar-
müt / schmach / leiden / vñ widerwertickheit willig tra-
gen / vnd erkennen das dasselb dein götlicher wil sey
vnsern willen zu creützigen. Hilff vns / dz wir auch
vnrecht gern leyden / vñ behüt vns vor der rach / laß
vns nit böß mit böß bezalen / gewalt mit gwalt ver-
treiben / sonder in solchem deinem willē der vns das
selbig zufügt / wolgefallen haben / dich loben vñ dir
dancken. Laß vns nit dem teuffel oder bößen men-
schen zurechnē / wan vns etwas wider vnsern willē

Begegnet/sonder allein deinen götlichen willen der
sölchs alles ordnet zu vnser willens hindernuß/vñ
zu merer seligkeit in deinem reich. Hilff vns dz wir
willig vnd frölich sterben/vnd den todt in deinẽ wil-
len gern auffnemen/das wir nit mitt vngedult oder
verzagung dir vngheorsam werden. Hilff das wir
alle vnser glied/augen/zungen/hertzen/hende/vñ
füeß/nit irer Begirden noch willen gelassen werden/
sonder in deinem willen gefangen/gestöckt/vnd ge-
prochen werden. Behüt vns vor allen bösen spensti-
gen/hartmütigen/halstarcken/einsinnigen/vnd ey-
genwilligen. Gib vns ein rechte gehorsam/ein vol-
komne ledige gelassenheit in allen dingen/geistlich/
weltlich/ewicklich/vnd zeitlich. Behüt vns vor dẽ
grausamen laster des nachredens/verleumten/hin-
derreden/freuel richten/verdammnen/versprechen
andere mensche. D dz grosse vnglück/vnd die schwe-
re plage solcher zungen wendt ferr von vns/sonder
lerne vns/das/wã wir etwas sehen oder hören stref-
lich vnd vns mißfellig von andern/das wir dasselb
schweygen/zudecken/dir allein klagen/vnd deinem
willen heym geben/vñ also allen vnsern schuldigern
herzlich vergeben/mitleyden mit in haben. Lerne
vns erkennen/das vns niemant schaden thun mag
er thü im dan selbs vorhin tausent mal mer schaden
für deinen augen/auff dz wir dadurch mer zu barm-
hertzikeit über in/dan zu zorn bewegt werden/mer
in zu jamern dan zu rechnen. Hilff vns/das wir
vns nit frewen wã es übel gat denen die vnsern wil-
len nit gethan/oder leyds gethan/oder sunst mißfal-
len in iherem leben. Auch das wir vns nit betriiben/

D iij

wan es ihnen wol gat. Vnd in disse Bitt gehören alle psalmen/versß/vnd gebett/do man wider die sünd vnd feynde jenen bittet.

Die vierde bitt.

Unser teglich brot gib vns heut.

Die meynung.

Das brot ist vnser herr Jesus Christus/der die seel speyset vñ tröstet. Darumb o himlischer vatter gib gnade das Christus leben/wort/werck/vnd leyden vns vnd aller welt/geprediget/Bekant/vnd behalten werde. Hilff das wir seyn wort vnd werck in allem leben für ein krefftig exempel/vnd spiegel aller tugent haben.

Hilff das wir in leyden vnd widerwertickeyten vns durch vnd in seynem leyden vnd creutz stercken vnd trösten mügen.

Hilff das wir vnsern tod durch seinen tod im feste glauben überwinden/vnd also kecklich dem lieben fürgenger in ihenes leben folgen.

Gib gnade/das alle prediger dein wort vnd Christum in aller welt nutzbarlich vnd selicklich predigē.

Hilff das alle/die dein wort predigen/hören/das sie Christum leren/vnd daran sich redlich Bessern.

Du wöllest auch gnedickliche alle frömde predige vnd lere/do Christus nit erlernet würt/auf der heiligen kirche treyben.

Erbarne dich aller Bischöffen/ priestern/ geystlichen/ vnd aller obrückheit/ das sie durch deine genade erleucht vns recht leren vnd führen mit Worten vnd güten exempel. Behüt alle schwachglaubigen/ dz sie sich nit ergern ab dem bösen exempel der obrückheit
Behüt vns vor ketzerische vñ abtrünnigē lerern/ das wir in eynem teglichen Brot/ in täglicher lere vñ wort Christi eyns bleyben.

Lerne vns durch deine gnad Christus leyde recht betrachten/ hertzlich fassen/ vnd selicklich in vnser leben bilden.

Las vns des heyligen warē leichnams Christi an vnserm letzten ende nit beraubt werden.

Hilff das alle prierster das hochwirdig sacrament würdiglich vnd seligklich zu der gantzen Christens heit besserung handeln vnd brauchen.

Hilff das wir vnd alle Christen das heilige sacrament zu seiner zeit/ mit gnaden seligklich empfaben.

Vnd summa summarum/ gib vns vnser teglich Brot/ das Christus in vns/ vnd wir in im ewiglichen bleiben/ vnd den namen/ das wir von im Christen geheissen/ würdiglich tragen.

In diese bitt gehören alle gebet oder psalmen/ da man für die Obrückheit bitter/ sonderlich wider die falschem lerer/ für die Juden/ ketzer/ vñ alle irrigen menschen/ auch für die aller betriebsen/ trostlose leydende menschen.



D iij

Die fünffte bitt.

Und verlaß uns unsere schulde.

als wir verlassen vnsern schuldigern.

Die Meynung.

Dieß bitt hat ein anhang vnd ein bedingung/
das wir zuvor sollen vnsern schuldigern vergeben/
wan das geschehen ist/so mügen wir dan sage. Ver
gib uns unsere schulde. Vnd das ist oben in der drit
ten bitt gebetten/das gottes wille geschehe/der will
dzmā alles gedultig leyden sol/vñ nit böß für böß ge
ben/nit rach süchen/sonder güts für böß geben/als
vnser vatter thüt im hymmel/der sein sunne lest auf
geen über die frūmen vnd bößen/vñ lest regen über
die im dancken/vnd die im nit dancken. Darumb bit
ten wir/O vatter tröst vns/vnser gewissen jetz vnd
an vnserm letsten ende/welchs für vnsern sündē vñ
deinem gericht greulich erschrickt vnd erschrecken
würt. Gib vnsern hertzen deinen frid/das wir deins
gerichts mit freuden erwarten mügen. Gang nit
mit vns in die scherpfte deines gerichts/dan do würt
keyn mensch rechtfertig erfundē. Lerne vns lieber
vatter nit auff vnser güte werck oder verdienst vns
verlassen oder tröstē/sonder allein auff deine grund
lasse barmhertzikeit/lauter vnd fest vns wagen vñ
ergeben. Desselben gleichen laß vns auch nit ver
zagen vmb vnser streflichs sündigen lebens willē/
sonder dein barmhertzikeit höher/breyter/stercker
achten/dan all vnser leben.

Hilff allen menschen/ die in tods nöten/ vnd in der
anfechtung sölicher verzweiflung geenstiget sein/ vñ
sonderlich dē. VI. oder dem. VI. Erbarme dich auch
aller armen seelen im fegfewr/ sonderlich VI. vñ. VI.
Vergib in vñ vns allen vnser schulde/ tröste sie/ vñ
nim sie zu gnadē. Gib vns deine güte für vnser Bos-
heit/ wie du vns gebottē hast zuthun. Stille den gru-
samen hinderreder/ anclager/ vnd großmacher vn-
ser sünde von den bößen geysten/ jetz vnd an vnserm
ende/ vnd in allen engsten des gewissen/ die weyl wir
auch hinderreden vñ der menschen sünd groß zu ma-
chen vns enthaltē. Richte nit vns nach anclag des
teufels/ vnd vnser ellenden gewissen/ vñ erhöre nit
die stim vnser feindt/ die vns tag vñ nacht für die
schuldigen/ gleich als wir nit hören wellē/ die hinder-
reder vnd verclager der ander. Nim von vns denn
schweren last aller sünde vñ gewissen/ auff das wir
mitt leichtem frölichem hertzen in gätzer zuuersicht
deiner Barmhertzikeit leben vnd sterben/ leyden vñ
thun mügen. Vnd in disse bitt gehören alle psalmē
vñ gebet/ die vmb sind die Barmhertzikeit gottis an-
ruffen.

Die sechste bitt.

¶ Vnd nit einfüre vns in ver-
suchunge. **¶** Die meynung.

¶ Drey versuchungē oder anfechtungē habē wir
das fleisch/ die welt/ den teüffel. Darumb bittē wir.
Lieber vatter/ gib vns gnade/ das wir des fleisches
lust zwingen. Hilff das wir seinē übrigen essen/ vnd

crinckē/schlaffen/faulen/müßiggang/widerstrebe
Hilff dz wir dz selb mit fastē meessigē fūter/kleider
arbeyt/wachē/vñ arbeytē/dienstbar/vñ zū gūten
wercken geschickt machē. Hilff vns dz wir seine Bōs
se neygung zur vnkeuscheit/vñ alle seine Begirde vñ
reizen mūgen mit Christo auß creutz schlagē vñ töd
ten/dz wir keiner seiner anfechtung Bewilligen vnd
folgen. Hilff so wir sehen ein schon mensch/Bild od
andere creature/das dz nit ein anfechtung/sonder
vns ein vrsach sey keuscheit zū lieben/vñ dich in dei
nen creaturen zū lobē. Hilff so wir etwas süßes hö
ren/etwas lieplichs entpfindē/dz nit darinnen lust/
sonder dein lob vnd ere gesūcht werde von vns. Be
hüt vns vor dem grossen laster/des geitz/vnd Begirz
den der reichthumb differ welt. Behüt vns das wir
nit die eer vnd gewalt differ welt sūchen/oder in die
selb neigung verwilligen. Behüt vns das der welt
vntrew/falscher scheyn/vnd reichtung vns nit bes
wege/ir zu folgen. Behüt vns/dz wir nit von dē Bōs
sen vnd widerwertikeiten der welt/zū vngedult/ra
che/zorn/oder andere vntugent gezogen werden.

Hilff das wir der welt liegen/triegen/verheissen
vntrew/vnd alles irem gūt vñ Bōsem absagen/ver
sagen (wie wir dan im tauff geredt haben) vnd dar
inne feste besteen/vnd teglich mer vñ mer zū nemen.

Behüt vns vor des teufels eingeiben/das wir nit in
hoffart/vnd vnser eygen wolgefallen/vnd anderer
verachtungē Bewilligē vmb reichthūb/adel/gewalt/
kunst/gestalt/oder anderer deiner gūter willen.

Behüt vns das wir nit in haß vñ neyd fallen/ auß
irgend einer vrsachen. Behüt vns/dz wir nit folgē

der anfechtung des glaubens der verzweyfelung / jetz
vñ an vnserm letstē ende. Laß dir Befolen seyn hime
lischer vatter / alle die wider disse große manigfeltig
anfechtung / streyten / vnd arbeyten / stercke / die do
noch steen / hiff wider auff denen / die gefallen seindt
vnd ligen darnider. Vnd gib vns allen deine gnade /
das wir in solchem elenden vnlichem leben / mitt so
vyl feynden on vnderlaß vmbgeben / mit einē ritter
lichen festen glauben / Bestendicklichen fechten vnd
die ewigen kron erlangen.

Die sybendt bitt.

Sonder erlöse vns vō dem übel.

Die meinung.

Disse bitt bittet für alles böse & peyn vñ straf /
wie dan die heilige kirch thut in den Litaniē.


Erlöse vns O vatter vō deinē ewigen zorn / vñ & hel
schen peyn. Erlöse vns von deinē gestrengen vrteyl
im todt / vñ am jungstē tag. Erlöse vns vō dē schnel
len gehen tode. Behüt vns vor wasser vñ feur / blitz /
vnd hagel. Behüt vns vor hunger vñ tewren zeytē /
behüt vns vor kriegen vñ blüt vergiessen / Behüt vns
vor deinen grossen plagen / pestilentz / frantzosen / vñ
anderē schwerē kräckheitē. Behüt vns vor allē übel
vñ nöten des leibs. So doch dz in disen allē deins na
mens cere / deins reichs merüg vñ götlicher will sey.

Amen. Hilff got das alle disse bitt wir vnge
zwifelt erlangen / vñ laß vns nit daran
zweifeln / du hast vñ wirst vns hyrinnē erhören / das
es ja / vñ nit nein oder zwifell sey. So sprechen wir
frölich Amen. Das ist war vnd gewiß.

Faint, illegible text, likely bleed-through from the reverse side of the page. The text is arranged in several lines and appears to be in a historical script.









Fl 3646 C

ULB Halle 3
002 802 937







urtz form der zehen
S. Martini Lu.

urtz form des
Glaubens.

urtz form des
ter unsers.



Handwritten in blue ink:
Jb 3646 ¹⁵

